

Կոմիտէն դեռ ևս պաշտօնական դիմում կամ յայտարարութիւն չէ արել Հարեան հանրապետութիւններին. ըստ երևոյթի՛ն, Բագուն գրաւած է առանց դիմադրութեան, պաշտօնեաները մնում են իրենց տեղերում, արտաքին կեանքը խանդարած չէ, կառավարութեան և խորհրդարանի անդամները ոչ մէկը ձեռքազուրկ չէ: Ռազիօի հաղորդագրութեամբ Ազրբէջանը ճանաչած է անկախ խորհրդային իշխանութիւն. տեղիս ազրբէջանեան ներկայացուցչի ասելով արտաքին յարաբերութիւնների հարցը կորուչի մօտ օրերս. դաշնակից ներկայացուցիչները Բագուն մնալու կամ հեռանալու խնդիրն ևս կը վճռուի մօտ օրերս:

Բագուի գրաւումից առաջ ուղիղ հեռագրալարով ինձ հաղորդեցին, թէ Ազրբէջանը յայտարարում է, որ բոլշևիկները մօտենում են իր սահմաններին, բայց ինքը ոչ չէ չունի դիմադրելու, որովհետև զօրքերը դրադած են Ղարաբաղում, ուստի Հայաստանի կառավարութիւնից երաշխաւորութիւն է պահանջում, որ զօրքերը յետ քաշելու դէպքում յարձակում չլինի. դիմում է արւած նաև Վրաստանին, որը պատասխանել է, թէ իր օգնութիւնն անմիջական լինել չի կարող: Մեր պատասխանն այդ հաղորդագրութեան արդէն հրատարակած է մամուլում, բայց նախ քան նրա տեղ հասնելը, ազրբէջանեան զօրքերը քաշել են Յալամայից և ընդունել վերջնագիրը:

Դէպի նոր կառավարութիւնը մեր վերաբերմունքն առայժմ չէզոք է. միջազգային օրէնքների համաձայն, յեղաշրջումից յետոյ, եթէ որեւէ պետութեան ներկայացուցիչը յետ չի կանչւում, նշանակում է նրա կողմից ընդունւում է նոր Հաստատւած պետակազմը, և մենք հրահանգել ենք մեր ներկայացուցչին շարունակել իր պարտականութիւնները, եթէ նրանց կողմից որեւէ նոր առաջարկ չի լինի:

Սակայն, կարծում ենք, որ դրութիւնը այսպէս անորոշ շարունակել չի կարող. առաջին քայլը՝ խօսելու իր հարեանների հետ պէտք է անի Ազրբէջանը:

Ազրբէջանի յեղաշրջման հետ կապ ունի նաև այն հարցը, թէ մենք ի՞նչ վերաբերմունք ունենք դէպի Սորհրդային Ռուսաստանը: Մեր կայուն տեսակետն այն է, որ Հայաստանը չէզոք է հանդէպ Ռուսաստանի քաղաքացիական կռիւր և այդ կռիւր վարող ուժերը: Կառավարութեան ու հայ հասարակութեան կարծիքը արտայայտել են բոլշևիկեան գործունէութեան ընթացքում հանդէս եկած միայն մէկ երևոյթի վերաբերմամբ, այն է՝ տաճկա-բոլշևիկեան դաշնադրութեան, որ մեր աչքում նկատուում է Հայաստանի շահերի դէմ ուղղւած մի քայլ: Երբ պարզաբանեց այդ խնդիրը և հաստատուեց, որ Հայաստանում գործող մի քանի բոլշևիկներ աշխատում են հէնց այդ ուղղութեամբ, կառավարութիւնը հարկադրւած եղաւ միջոցներ ձեռք առնել և առաջարկեց նրանց թողնել Հայաստանի սահմանները: Կարելոր եմ համարում նաև յայտնել, որ շատ բոլշևիկներ հակառակ են եղել վերոյիշեալ դաւադրութեան և նրան նպաստող գործունէութեան, յայտարարել են նրանք այդ մասին կառավարութեան, և կառավարութիւնը նրանց ոչ մի կերպ չի անհանդուարեցրել: Բացի դրանից, մեր և բոլշևիկեան կազմակերպութեան միջև տեղի չէ ունեցել որեւէ դէպք, և մենք մինչև օրս էլ մնացել ենք չէզոքի դերում:

Այնուամենայնիւ, չպէտք է անտեսել, որ բոլշևիկներն են հանդիսանում Ռուսաստանի իրական ուժը. այդ փաստը մասնաշնչւում է մասնաւորապէս Եւրոպայում, ուր նկատուում է դէպի Ռուսաստանն ունեցած քաղաքականութեան բեկումն: Ֆրանսական խորհրդարանը յանձնարարել է կառավարութեան՝ բանակցութիւններ վարել Ռուսաստանի հետ. նոյն տեսակետին է և Իտալիան. Ամերիկայի դիրքը յայտնի է ձեզ. այն, ինչ հնարաւոր